



Broj: 04-GV-02-366/18  
Datum: 15.03.2018. godine

**ZAPISNIK**  
**O RADU 11. SJEDNICE ODBORA ZA INFORMATIKU I TELEMATIKU**  
**GRADA SARAJEVA**  
*održane 15.03.2018. godine*

Prisutni:

1. Ismir Arslanović, Predsjedavajući Odbora
2. Tarik Jažić, zamjenik Predsjedavajućeg
3. Ekrem Kaljanac, član
4. Kenan Hodžić, član
5. Adnan Talić, član
6. Ajdin Kahrović, član
7. Vedad Deljković, član

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Po ovlaštenju Gradonačelnika sjednici prisustvovala Maja Hadžihalilović, rukovodilac Stručne službe Gradonačelnika, a zatim i Erna Čolić, šef Kabineta Gradonačelnika.

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu prethodne sjednice Odbora za informatiku i telematiku održane 12.12.2017. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Izvještaj o radu Gradskog vijeća Grada Sarajeva za 2017. godinu
2. Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine
3. Tekuća pitanja

## TAČKA 1.

### *Izvještaj o radu Gradskog vijeća Grada Sarajeva za 2017. godinu*

Poslije kratkih uvodnih napomena i rasprave, te sažetka Predsjedavajućeg, jednoglasno je usvojen sljedeći **zaključak**:

Odbor za informatiku i telematiku sugerira Gradskom vijeću da razmatra Izvještaj o radu Gradskog vijeća Grada Sarajeva za 2017. godinu kako je predložen.

## TAČKA 2.

### *Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine*

Poslije kratkih uvodnih napomena, rasprave i sažetka Predsjedavajućeg jednoglasno je usvojen sljedeći **zaključak**:

Odbor za informatiku i telematiku sugerira Gradskom vijeću da razmatra Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine kako je podnesen.

## TAČKA 3.

### *Tekuća pitanja*

Poslije rasprave i sažetka Predsjedavajućeg, jednoglasno je usvojen sljedeći **zaključak**:

1. Odbor konstatira da je od strane člana Tarika Jažića upoznat o razvoju događaja po usvajanju Politike Grada Sarajeva za mandatni period, a vezano za nastojanja ovog radnog tijela da, u suradnji s Gradonačelnikom, doprinese razradi Politike Grada Sarajeva vezane za Izazov broj 11 - Pametni grad Sarajevo i to izrade Strategije „Sarajevo pametni grad“ koja je planirana za tekuću godinu, odnosno smjernice:

- Izrada projekta i prijava na konkurs „Horizon 2020 - Smart Cities and Communities lighthouse projects“.

Poslije rasprave, konstatirano je da u ovoj godini, Grad Sarajevo ne može pripremiti projekt, ni prijavu u potrebnom roku, da bi Grad Sarajevo aplicirao na konkurs „Horizon 2020 - Smart Cities and Communities lighthouse project“, budući da je preduvjet za prijavu na ovaj konkurs za finansiranje projekta, u iznosu od 14,5 do 20 miliona eura, izrada strategije.

\*\*\*

Poslije rasprave o prijedlogu koji je članovima Odbora na samoj sjednici predočio član Tarik Jažić, a koji je u pisanoj formi u prilogu ovog akta, Odbor je jednoglasno donio sljedeći **zaključak**:

- Odbor za informatiku i telematiku upućuje inicijativu Gradskom vijeću da svojim zaključkom, zaduži Gradonačelnika da osigura organizacijske, kadrovske i materijalno finansijske uvjete da se projekt, odnosno informacije potrebne za popunjavanje aplikacije za pripremu prijave Grada Sarajeva na konkurs „Horizon 2020 - Smart Cities and Communities lighthouse projects“ za finansiranje projekta u Gradu Sarajevu za sljedeću godinu, pripremi tokom tekuće godine, kako bi se Grad Sarajevo mogao prijaviti na konkurs koji će biti otvoren krajem godine za narednu godinu. Osnova, odnosno preduvjet za izradu ovog projekta je Strategija „Sarajevo pametni grad“

U prvom koraku u realizaciji ove inicijative, potrebno je da Gradonačelnik predloži Gradskom vijeću odluku o formiranju radne grupe i djelokrugu grupe za izradu Strategije „Sarajevo pametni grad“, a prema kriterijima navedenim u ovoj inicijativi i to kako slijedi.

Djelokrug radne grupe:

- donošenje poslovnika o svom radu;
- predlaganje stručnjaka za nosioca izrade Strategije „Sarajevo, pametni grad“;
- vršenje monitoringa nad izradom Strategije;
- uspostavljanje saradnje i uključivanje svih relevantnih fizičkih i pravnih subjekata kojih se tiče ova Strategija na direktan ili indirektan način, među kojima prvenstveno treba biti zastupljena akademska zajednica, te javna preduzeća i drugi domaći i međunarodni privredni subjekti koji posluju u BiH putem registriranih poslovnica i koji se bave razvojem “pametnih” rješenja, zatim nevladin sektor, neformalne grupe građana i slično.

Sastav radne grupe:

- tri predstavnika Odbora za informatiku i telematiku Grada Sarajeva,
- tri predstavnika Gradske Uprave Grada Sarajeva,
- dva predstavnika iz javnog ili privatnog sektora, a koji su u direktnom dodiru sa pametnim tehnologijama i pametnim rješenjima i
- jednog predstavnika nevladinog sektora.

*ZAPISNIČAR*

*Mirjana Đanović-Stanić*

*PREDSJEDAVALJUĆI ODBORA*

*Ismir Arslanović, s.r.*